

2 Timoteo

He⁻ la⁻ jee' ga⁻ të' to¹ je⁻ he⁻ ga⁻ sii' Paa' kih' Timotä

¹ Jnä' Paa' laan' apóstol kyaä' Jesucristo lä⁻ hyoh⁻ dsé' Dio. Ga⁻ cheey' jnä' mah' kwan' juu' kiyh' lä⁻ koo⁻ ga⁻ bääyh⁻ hñiiy' jmeey' chaa⁻ jne' ta⁻ la⁻ kih' Cristo Jesús. ² Jee' la⁻ siin⁻ kyah' Timotä lä⁻ koh' jaa⁻ gyuu⁻ hi⁻ hnaan⁻. Ngñn' kih' Dio hi⁻ laa⁻ Täa' jnän' hi⁻ ngñn' kih' Jesucristo Dsa⁻ jøøh' jnän', wa' kway' he⁻ llu' kyah', wa' lä⁻ ñih' dséy' hne⁻, wa' jmeey' hii' tii' kyah'.

Paa' ga⁻ hlëh' Timotä mah' mi⁻ tey' ta' he⁻ hä' gooy⁻

³ Kwan⁻ ti'hmaah' kih' Dio. Jmee⁻ ba' jnä' ta⁻ he⁻ kiyh' ja⁻ ba' lä⁻ koh' ga⁻ jmee' dsa⁻ ma⁻ kaah' kyaan⁻. He⁻ ja⁻ sa⁻ hñii⁻ huu⁻ dsé⁻ kin⁻. Hi⁻ dsooh⁻ ba' dsen⁻ hne⁻ lä⁻ jmii' lä⁻ hwë' lä⁻ ma' hlëehn' kyaah' Dio kyaan⁻. ⁴ Dsooh⁻ dsen⁻ he⁻ ga⁻ lä⁻ meeh' hoh'. He⁻ ja⁻ hnoon' nñn' na⁻ jëen⁻ hne⁻, ja⁻ ga' na⁻ chaan⁻ llu'. ⁵ Ma⁻ ba' jnä', ja⁻ koo⁻ jwah' ba' hne⁻ he⁻ ma⁻ dsoo' hoh' kih' Dio. Lä⁻ ma' to⁻ nē' ga⁻ lä⁻ dsoo' dsé' ma⁻ hyaa' kyaah' Loida kyaah' maa' kyaah' Eunice, hi⁻ jmeen⁻ dsoo', ja⁻ ba' lä⁻ ja⁻ ma⁻ dsoo' hoh' hne⁻ ka⁻ läh'.

⁶ He⁻ ja⁻ jwëehn⁻ hne⁻, kwa' ba' hne⁻ be' kyaah' ta⁻ he⁻ ga⁻ kwëeh' Dio hne⁻ lä⁻ ma' ga⁻ kyen' goon⁻ nē' kyah'. ⁷ Jëeh', sa⁻ ga⁻ kwa' Dio Jmi⁻ lle' kih' mah' jmeen' gah' jne'. Ga⁻ kway' mah' kwa' be' jnän', mah' lä⁻ hnää' jne' dsa⁻ kyaahn', hi⁻ mah'

hään' hñaan'. 8 He-ja- jwëëhn~ hne-, ta+ jmee-
na-heeh'. Kwa' ba' hne- juu' kih' Dsa-jøøh' jnän'.
Ni+ ta+ jmee- na-heeh' ki+ jnä' he- hään' neh-ñe
' kwaat~ kih' Jesús. Heeh' ba' hne- jëeh' wii'
kwaat~ kih' ju'hmëë' lä'koh' jëen~ la-. Dio ba'
kwa' be' kyah'. 9 Hi- he' ga-lää' jne' hi- ga-tëëyh'
jne' mah' lee' jne' na-jngëë'. Ja+ ta-la+ kih' he-
ma-jmeen' he- llu' ga-tëëyh' jne'. Jää' ba' ma-lla'
dsë' Dio jmeey' lä-ja-, he-ja- ba' ga-tëëyh' jne'. Hi-
lä+ ma' ga-heeh' jne' kih' Cristo, ga-hñah' jne' he-
la' kwa+ Dio he- ma-na-la' juu' jää' ja-ga' nøø'
jmi-gyuu'. 10 Hi+ na' ma-mi-jnää- Dio lä-jë+ he-
ja-, lä-llu' he- ja+ Jesucristo Dsa-jøøh' jnän' hi-
ga-lää' jne'. Ma-ke+ ga-juuy', sa+ ga-lih' he- ja-
kyaayh'. Ma-ra+ he- ga-lä-jiih' bih'. Hi+ kyaah'
ju'hmëë' kiyh' ga-mi-jnääy- ha- lä- lä-chaä- dsa-
tää', lä-ja- mo-so+ juuy' jih'koh'.

11 Hi+ jnä' na-hñaan' kwan' juu' la-, laan' apóstol,
hi+ laan' ta-jwoh' kyaa' hi- sa+ laa' judiu. 12 Kih'
he-ja- ba' na-, jëen~ wii'. Pero sa+ gwa' na-hiihn',
kyuu+ ba' jnä' hi- kih' ma-dsoo' dsën+. He-ja-
jmeen' dsoo', hi- he' cha- be' kih' høøy' lä-jë+ he-
ga-toohn' gooy- lä-jiih' lloo~ jmi'.

13 Wa' jä' koo- hweh- kyah' lä-jë+ ju'dsoo' he-
ma-jwëëh' hne-. Wa' dsoo' hoh' tää', wa' hnaah-
dsa-. He- na- ba' cha- jnän', kih' he- ma-laa'
jne' koo- kyaah' Cristo Jesús. 14 Kyaah' be' kih'
Jmi-lle' Na-jngii' he- kyaah' jne', høø' juu' llu' he-
ma-hñah~.

15 Ma-ñeh' ba' hne-, lä-jëë+ hi- chaä- hwa'
Asia ma-bee' jnä'. Lä-ja- ga+jmee' Figelo kyaah'

Hermógene. ¹⁶ Wa' lä-ñih' dsē' Dio lä-jēē' hī- chaa-
 kyaa' Onesíforo. Joh' jiih' sa' ga'jmeey' be' kin',
 sa' ga-lä-hiiyh' kih' he- hāān' neh-ñe'. ¹⁷ Lä-chah'
 ma' ga-llōo' Onesíforo jwii- Roma, ga'hnaayh- jnä'
 lä-bii' lä-jaa', lä-jiih' ga-jnääyh' jnä'. ¹⁸ Wa' lä-ñih'
 dsē' Dsa-jøøh' jnän' kiyh' wa'ra- ga-tē' jee' llaa-
 jmii'. Hne- ñeh' kwee- he- ga'jmeey' cha-miih-
 be' jnän' lä- ma' tøøhn' jwii- Éfeso.

2

*Hnøø' ma-na'lluu' jne' mah' lä-ja- lee' jne' lä-koo-
 jaa- hløø' kyaa' Jesucristo*

¹ Jwēēhn' hne- gyuu- kyaan', kwa' ba' hne- be'
 kyaah' he- la' hñah' jne' ta-la' kih' Cristo Jesús.
² Ga-lä-tēēh' juu' he- ga'kwan' to'lo' nē' jwēē'
 dsa-. He-ja- jwēēhn' hne-, tøøh' goo- jñah' hī-
 laah' jmää' mi-tēē' dsa- juu' ja-.

³ Kwēēh' hoh' ma' jēēh' wii'. Mah' lä-ja- leeh'
 lä-koh' jaa- hløø' lluu' kyaa' Jesucristo. ⁴ Ni' jaa-
 hløø' sa' jāāy' jmeey' jyoh' ta', ga-tēēy' jmeey'
 lä-jē' mada' kih' juu' bih' mah' tih' dsē' juuy' hī-
 ga'kwēēyh' ta' ja-. ⁵ Hi' lä-ja- hī- koo', ni' koo-
 sa' liyh' cher'mah' sa' ga'kooy' lä-lle' kiyh'. ⁶ Jaa-
 hī- jmee' ta' hwa' kih', lle' kih' tēēy' to-nē' kih' jee'
 lä-jēē' wa'ra- ga-sooh' ta' ja-. ⁷ Jmee' da' huu'dsē-
 hee- hnøø' jāh' he- ma-jwēēhn' hne-. Dsa-jøøh'
 jnän' ba' kwa' be' kyah' mah' lä-ngēēh' lä-jē' he-
 ja-.

⁸ Wa' dsooh' hoh' kih' Jesucristo, hī- laa' sa'ju-
 kih' David hī- ga-lä-jiih' jee' kih' hī- na-juu',
 lä-koo- la' ju'hmēē' he- kwan'. ⁹ Kih' he-ja-

ba' na-, jëen~ wii', he- na-hñuuhn' kyaah' caden~ lä'koh' jaa- hi- ää- dsoo'. Pero ni- miih' sa- le' jmeey' lä-ja- kih' juu' kih' Dio. ¹⁰ He-ja- kwëeh~ ba' dsen- jëen~ wii' mah' wa' la' llu' kih' lä-jëe- hi- na-lleeh' kya- Dio. Mah' lä-ja- lloo- koo- jmi- lääy' ta-la- kih' Cristo Jesús mah' dsa-näay' ya-jwii' jee' sa- hee' jih'koh'.

¹¹ Juu' la- la- ju'dsoo':

Cher'mah' ga-juu' jne' kyaah' Jesús, lä-ja- jmeey' chaa- jne' ko-jøh' kyaayh'.

¹² Cher'mah' ga-lä-be' dsë- jne' jëen' wii', lä-ja- cha- jwë' jnän' jmeen' hih' ko-jøh' kyaayh'. Cher'mah' ga-jäh' jne' sa- kyuu- jnih', ja-ba' lä-ja- jäyh- sa- kyuyy' jne'.

¹³ Cher'mah' sa- ga-mi-ten' juu' jnän', pero ma-ra- he- mi-te' bih' juu' kiyh', jëeh' sa- le' hiiy' juu' kiyh'.

Jaa- hi- ma-ya-hëe~ llu' kyaah' ta' kih' Dio

¹⁴ Mi-dsooh- dsë' øøh' jne' kyaah' juu' la-. Ja- jwiiyh', ñe- ba' Dsa-jøøh' jnän', sa- llu' he- ti'choo' jne' juu' he- sa- jmää' ta'. Koo- hee- dsë' dsa- hi- nuu- ba' ja-. ¹⁵ Kwa' be' mah' ya-hëeh' llu' cha'në' Dio mah' sa- jäh' o-hih' kyaah' ta' he- mi'tëeh' dsa- ju'dsoo' lä-koo- lle' kih'. ¹⁶ Ta- kwaa- hñaa'h' kyaah' juu' he- sa- jmää' ta'. Kyaah' juu' ja- dsa-nää' dsa- cha-ga'miih- kyaah' he- hlih'. ¹⁷ Juu' ja- kuh- gi- kih' dsa- lä'koh' kuh- gi- në' dsoo' jee' ja-. Lä-ja- ga-la' kih' Himeneo kyaah' Fileto. ¹⁸ Hi- he' ga-kah~ jwë' kih' ju'dsoo', jäyh' ma-ngëe' ba' he- dsa-lä-jiih' dsa-. Kyaah' juu' ja-, ga-heey' dsë' ko-lla- dsa- hi- ma-dsoo' dsë'. ¹⁹ Pero juu' kih'

Dio jā⁺ koo⁻ hweh⁻, lä⁺koh⁺ ma⁻ti⁺ na⁺hyah⁻ he⁻ na⁻si⁺ nē⁺ kih⁺: “Kyu⁺ ba⁺ Dsa⁻jøøh⁺ jnän⁻ lä⁺jë⁺ hi⁻ laa⁺ kyaay⁺.” Hi⁺: “Lä⁺jë⁺ hi⁻ ngii⁺ ta⁻la⁺ kih⁺ Cristo, wa⁺ lä⁻øøy⁺ kih⁺ lä⁺jë⁺ he⁻ hlih⁺.”

20 Jë⁻ da⁺. Koo⁻ hne⁺ jmah⁻ jee⁺ cha⁻ cha⁻miih⁻ në⁺ goo⁻ ti⁺ dsa⁻, cha⁻ he⁻ la⁺ kyaah⁺ ñe⁺ hmooh⁺, hi⁺ cha⁻ he⁻ la⁺ kyaah⁺ hma⁻, hi⁺ cha⁻ he⁻ la⁺ kyaah⁺ gwaah⁺. Lä⁺jë⁺ he⁻ hmooh⁺ jmäy⁺h⁻ ta⁺ lä⁺ ma⁺ tē⁻ jmi⁺. Hi⁺ he⁻ sa⁺ hmooh⁺, he⁻ ja⁻ ba⁺ jmäy⁺h⁻ ta⁺ koo⁻ kyoo⁻ ba⁺. 21 Hi⁺ ja⁻ ba⁺ lä⁺ ja⁻ la⁺ kih⁺ dsa⁻ kya⁺ Dio ka⁻lä⁺h⁺. Cher⁺ mah⁺ ko⁻lla⁺ hi⁻ ma⁻lä⁻øø⁺ kih⁺ he⁻ hlih⁺, hi⁻ he⁺ laa⁺ lä⁺ko⁻ ñe⁺ he⁻ hmooh⁺, he⁻ na⁻jngii⁺ he⁻ jmä⁺ kih⁺ Dsa⁻jøøh⁺ jnän⁻. Lä⁺ ja⁻ ma⁻ na⁻llu⁺ bi⁺ jmeey⁺ lä⁺ jë⁺ ta⁺ llu⁺.

22 Be⁺ go⁻te⁻ lä⁺jë⁺ he⁻ he⁺ dsë⁺ chih⁻ kwaa⁻. Hi⁺ gwa⁻ ba⁺ hne⁻ ta⁺ cha⁺ nē⁺ ko⁻jøh⁺ kyaah⁺ lä⁺jë⁺ hi⁻ ngii⁺ kih⁺ Dsa⁻jøøh⁺ jnän⁻ kyaah⁺ koo⁻ në⁺ ba⁺ huu⁺ dsë⁻. Ja⁻ jmeeh⁻ he⁻ llu⁺ jmah⁺ ba⁺, hi⁺ hnøø⁺ lä⁺ ma⁻dsøø⁺ ja⁻ ba⁺ hoh⁺ kih⁺ Dio, wa⁺ hnaah⁺ dsa⁻ kyaah⁺ hi⁺ wa⁺ hii⁺ ti⁺ kyah⁺. 23 Jmee⁺ ta⁺ koo⁺ juu⁺ he⁻ ti⁻choo⁺ dsa⁻, juu⁺ he⁻ sa⁺ jmä⁺ ta⁺. Ma⁻ ñeh⁺ ba⁺ hne⁻, koo⁻ lla⁺ hnii⁻ ba⁺ juu⁺ ja⁻. 24 Jaa⁻ hi⁻ jmee⁺ ta⁺ he⁺ kih⁺ Dsa⁻jøøh⁺ jnän⁻, sa⁺ hnøø⁺ hneey⁻ kyaah⁺ dsa⁻. Hnøø⁺ llu⁺ dsëy⁺ kyaah⁺ lä⁺jë⁺ ba⁺. Hnøø⁺ liyh⁺ mi⁻tëy⁺ dsa⁻, hnøø⁺ jøh⁻ dsëy⁺ kyaah⁺ dsa⁻. 25 Hi⁺ hnøø⁺ jmäy⁺ hñiiy⁺ hwa⁺ wa⁻ra⁻ ga⁺ tē⁻ jee⁺ hlëy⁺h⁺ hi⁻ chaah⁺, ha⁻ ga⁻ che⁻ ga⁻kwa⁺ Dio jwë⁺ dsa⁻jëeh⁻ hi⁻ he⁺ kyaay⁺h⁺ mah⁺ lä⁺kyuy⁺h⁻ ju⁺dsøø⁺. 26 Lä⁺ ja⁻ ba⁺ lä⁺ hi⁻ täah⁺ goo⁻ hi⁻ sa⁻llu⁺, hi⁻ jmee⁺ lä⁺ hyoh⁻ dsëy⁺.

3

Ha- lä- tääh' dsa- wa'ra- ga-të' jee' llaq- jmii'

¹ Hnøø' lä- ñeh' he- la- ka-läh', jä- he- wi' wa'ra- ga-të' jee' llaq- jmii'. ² Ma'ja- dsa-taah` dsa- lä- hyoh- dsé' hñii', lä- hee' dséy' kuu', jmäy' hñiiy' kaah', lä-taayh', mi-kwayh' Dio, lä-chaayh- kih' cho'jmiiy-, sa- jiiyh' ni- koo- juu' llu', lä-hlëeyh' go-te~. ³ Ni- sa- lä-jøh- dséy', ni- sa- lä-hnøøy' jëeyh- juu' kyaah' dsa-, kooyh' juu' jwi~, sa- lä-täay- häay' hñiiy', lä-hñaa- dséy' ga-ngëë' jwëë', jmeey' na-høøyh' kih' he- llu'. ⁴ Jmii' ja-, lä-tuu- dséy' hnëey' dsa- kyaayh', ngaayh' kyaah' lä-jë- he- jmeey', jmäy' hñiiy' lluu', hnooyh- ga- he- tih- dséy' lä-koh' ga- he- hnaayh- Dio. ⁵ Jmeey' lä-koo- hi- hnaah- Dio, pero kyaah' lä-jë- he- jmeey' ja-, lä-jnä' sa- kyey- ni- miih- be' kih' Dio. He- ja- ta- jmee- ko-jøh' kyaayh'.

⁶ Dsa- he' dsa-taayh` cha'neh- kih' dsa-më' hi- sa- cha- be' kih', mi-gaay- dsa-më' hi- tëë' jmee- he- hlih', lä-koo- jøø- he- hee' dsé' jmi-ngo' kiyh'. ⁷ Täayh' mi-tëey- hñiiy', pero jih'koh' sa- lä-këyh' jmii' lä-ngëëy' ha- lä- la' ju'dsoo'. ⁸ Hi- ja-ba' lä-koo- ga-jmee' Jane kyaah' Jambre, hi- ga-ha' kih' Moisé, lä-ja- jmee- dsa-ñuuh- he', hay- kih' ju'dsoo'. Ma-na-hee- go-te~ huudsë- kiyh', mo-so- laay' kwaat~ kyaah' hi- ma-dsoo' dsé'. ⁹ Pero sa- dsa-näay' ta- cha'në' kyaah' juu' kiyh'. Jëeh', lä-jnä' kih' lä-jëë-, he- laay' dsa- too-, lä-koh' ga-la' kih' dsa- hi- ga-ha' kih' Moisé.

Jee' ga⁻dsaa' juu' la⁻ kwa⁻ ga' Paa' nuuh⁻ kih' Timotä

¹⁰ Pero ma⁻kyuuh⁻ ba' hne⁻ juu' he⁻ ma⁻nuuh⁻ kin⁻, ha⁻ lä⁻ jmeen⁻, ha⁻ lä⁻ la⁻ huusä⁻ kin⁻, he⁻ ma⁻dsoo' dsen⁻, he⁻ jøh⁻ dsen⁻, he⁻ hnaan⁻ dsa⁻, hi⁻ he⁻ kwëeh⁻ dsen⁻. ¹¹ Ma⁻ñeh' ba' hne⁻ ha⁻ lä⁻ ga⁻jmeeh⁻ dsa⁻ jnä', hi⁻ ha⁻ lä⁻ ga⁻jëen⁻ wi⁻ jee' jwi⁻ Antioquia, Iconio, Listra. Ga⁻jëen⁻ wi⁻ jwërte. Pero Dsa⁻jøøh⁻ jnän' ga⁻lää' jnä' kih' lä⁻jë⁻ he⁻ ja⁻. ¹² Hi⁻ lä⁻jëë⁻ hi⁻ hnøø' dsa⁻taah⁻ lä⁻kaa⁻ tuh⁻dsë' kyaah' Cristo Jesús, ma⁻ra⁻ he⁻ jëë' bih⁻ wi⁻. ¹³ Pero dsa⁻hña⁻ dsë' he', kyaah' hi⁻ ta⁻juu', jmee⁻ gyih' cha⁻ga⁻miih⁻ he⁻ hlih⁻ koo⁻ hä' koo⁻ hä', mi⁻gaay⁻ dsa⁻ hi⁻ mi⁻goo⁻ dsa⁻ kiyh⁻.

¹⁴ Pero gwa' ba' hne⁻ ta⁻ cha⁻në' kyaah' he⁻ ma⁻mi⁻tëh', ma⁻ñeh' ba' hne⁻ ha⁻ lä⁻ la⁻ he⁻ ma⁻heeh'. Jëeh', kyuuh⁻ ba' hne⁻ hiji⁻ na⁻ hi⁻ ga⁻mi⁻tëë⁻ hne⁻. ¹⁵ Lä⁻jiih' ma' mäh' ma⁻kyuuh⁻ ba' hne⁻ juu' kih' Dio lä⁻koo⁻ na⁻si⁻. Juu' ja⁻ ga⁻mi⁻tëë⁻ hne⁻ lä⁻jwë' jee' lääh', lä⁻llu' he⁻ ma⁻dsoo' hoh' kih' Cristo Jesús. ¹⁶ Dio ba' ga⁻kwa' huusä⁻ llu' kih' hi⁻ ga⁻si' lä⁻jë⁻ juu' ja⁻ he⁻ jmää' mi⁻tëë' jne' dsa⁻, he⁻ mi⁻jnää' he⁻ dsa⁻hlääh⁻ jne', jmää' he⁻ hlëh' jne' dsa⁻, hi⁻ he⁻ mi⁻tëë' jnih' jmeey' he⁻ llu' jmah' ba'. ¹⁷ Lä⁻ja⁻ ba' hwëë' llu' hi⁻ hnaah' Dio, ja⁻ga⁻ na⁻ ma⁻na⁻lluuy' go⁻te⁻ jmeey' lä⁻jë⁻ nëë' he⁻ llu'.

4

¹ Chuun' kyaah' hne⁻. Ñe⁻ ba' Dio hi⁻ lä⁻ja⁻ Jesucristo Dsa⁻jøøh⁻ jnän' hi⁻ jäh' lla' ta' kih' hi⁻ jiih' hi⁻ kih' hi⁻ na⁻juu', wa⁻ra⁻ ga⁻lä⁻jnäy' jmeey'

h^hih^h kih^h dsa^h. ² He^h-ja^h kwa^h ba^h hne^h juu^h ja^h. Kwa^h ba^h hne^h ja^h ma^h ke^h sa^h la^h hor^h kih^h. Hlëëh^h h^hi^h dsa^h-hlääh^h, juuh^h kiyh^h kyaah^h juu^h ja^h, kwëëyh^h nuuh^h. Hi^h hnøø^h jøh^h hoh^h kyaayh^h jee^h mi^h-tëëh^h hnih^h. ³ Lloo^h koø^h jmii^h mo^h so^h lä^h hnøø^h dsa^h-nuu^h ju^h dsoo^h he^h ma^h-mi^h-tëë^h jne^h. He^h-ja^h hnaayh^h jwëë^h ta^h-jwoh^h h^hi^h kwa^h juu^h lä^h koø^h tih^h dsë^h dsa^h-nuu^h. ⁴ Dsa^h he^h na^h, be^h ju^h dsoo^h mah^h jmee^h gyih^h he^h kih^h juu^h wa^h he^h cha^h he^h. ⁵ Pero hne^h hää^h hñaa^h, kwëëh^h hoh^h kih^h lä^h jë^h he^h wii^h he^h jä^h në^h kyah^h, kwa^h ju^h hmëë^h la^h kih^h dsa^h h^hi^h sa^h ma^h-nuu^h, mi^h-te^h lä^h jë^h ta^h he^h ga^h-tëëh^h jmeeh^h.

⁶ Ma^h-ngoo^h ya^h-jäh^h he^h naahn^h, jëëh^h ma^h-lloo^h jmii^h he^h jngëëh^h dsa^h jnä^h. ⁷ Ma^h-kwan^h cha^h-miih^h be^h kyaah^h ta^h la^h. Ma^h-lih^h ba^h jnä^h kyaah^h ta^h he^h hä^h goon^h. Lä^h ma^h-dsoo^h ja^h-ba^h dsën^h kih^h Dio. ⁸ He^h-ja^h ma^h-na^h-la^h juu^h hyohn^h koø^h coron ma^h ja^h, ja^h-ga^h na^h ya^h-hëën^h lluu^h. Dsa^h-jøøh^h jnän^h, dsa^h-ta^h lluu^h, kway^h he^h ga^h-tëën^h hyohn^h. Hi^h ja^h ma^h-la^h jnä^h hyohn^h, ja^h-ba^h lä^h ja^h hyoh^h lä^h-jëë^h h^hi^h lle^h dsë^h he^h-jäh^h Jesucristo.

Ga^h-jäh^h Paa^h ha^h lä^h jmee^h Timotä

⁹ Jmee^h bii^h ya^h-jëë^h jnä^h चाह^h. ¹⁰ Ma^h-bee^h Dema jnä^h, mah^h hnooh^h gyih^h he^h cha^h jmii^h-gyuu^h la^h. Ma^h-ngooy^h jwii^h Tesalónica. Crescente ma^h-ngoo^h ta^h hwa^h Galacia, Tito ma^h-ngoo^h ta^h hwa^h Dalmacia. ¹¹ Jaa^h Luca ga^h gya^h kyaah^h jnä^h. Ja^h jäh^h Marco ta^h la^h wa^h-ra^h ga^h-të^h jee^h ñeeh^h. H^hi^h na^h jmää^h kin^h kyaah^h ta^h la^h. ¹² Ma^h-cheën^h Tíquico ta^h jwii^h Éfeso. ¹³ Wa^h-ra^h ga^h-të^h jee^h ñeeh^h, ja^h kah^h ko^h-lla^h hmih^h-lloo^h kin^h he^h ga^h-kyen^h kih^h Carpo jee^h jwii^h

Troa. Hi⁺ dsooh[~] hoh^ʻ kah^ʻ lä⁺jë⁺ mo^ʻje⁻ na⁻gyee⁻ kin⁺, hi⁻ he⁻ jmee⁺ ga^ʻ bi^ʻ kin⁺ loo^ʻ jah^ʻ jee^ʻ siin⁺.

¹⁴ Leja^ʻ të⁻ñe^ʻ he^ʻ, ga⁻jmeey^ʻ cha⁻miih⁻ hliih^ʻ kin⁺. Dio mi⁻hmaah⁻ ha⁻ koh^ʻ te^ʻ he⁻ ga⁻jmeey^ʻ kin⁺.

¹⁵ Hää⁺ hñaah^ʻ kyaayh^ʻ. Peer⁺ hnøøy^ʻ lla⁻dsëey⁻ kih^ʻ juu^ʻ he⁻ kwa⁻ jne^ʻ.

¹⁶ To⁻në⁻ lä⁻ ma^ʻ ga⁻lloon^ʻ në⁻ta^ʻ jee^ʻ ma^ʻ lään^ʻ hñiin⁺ ni⁺ jaa⁻ sa⁻ ga⁻jmeey^ʻ be^ʻ kin⁺, lä⁺jëë⁺ ba^ʻ ga⁻bee^ʻ jnä^ʻ. Sa⁻ wa^ʻ jmeey^ʻ Dio kwaat[~] kih^ʻ he⁻ ja⁻.

¹⁷ Pero Dio cheh^ʻ kyaah^ʻ jnä^ʻ, ga⁻kway^ʻ be^ʻ kin⁺, lä⁺jiih^ʻ ga⁻hña⁻ ga⁻kwan^ʻ juu^ʻ kiyh^ʻ mah^ʻ wa^ʻ nuu^ʻ lä⁺jëë⁺ dsa⁻ hi⁻ sa⁻ laa⁻ judiu. Hi⁻ lä⁺ja⁻ ga⁻kway^ʻ be^ʻ kin⁺ ga⁻lääy^ʻ jnä^ʻ he⁻ ma^ʻ kuh⁻ hyah⁻ jnä^ʻ. ¹⁸ Hi⁻ lä⁺ja⁻ lää^ʻ Dio jnä^ʻ kih^ʻ lä⁺jë⁺ he⁻ hliih^ʻ, tëey⁺ jnä^ʻ ya⁻ jwii^ʻ kiyh^ʻ. Lä⁺ja⁻ wa^ʻ la^ʻ juuh⁻ kiyh^ʻ ga⁻lä⁺jë⁺ joh^ʻ jmi^ʻ cha⁻. Wa^ʻ la^ʻ lä⁺ja⁻.

¹⁹ Jmee^ʻ Dio kih^ʻ Prisca hi⁻ kih^ʻ Aquila. Hi⁻ jmee^ʻ Dio kih^ʻ hi⁻ chaa⁻ cha⁻neh⁻ kih^ʻ Onesíforo. ²⁰ Erasto ga⁻jä^ʻ jwii⁻ Corinto, Trófimo ga⁻llaan⁺ jwii⁻ Mileto kih^ʻ he⁻ dsaayh⁻. ²¹ Ja⁻ jmeeh⁻ bi^ʻ ñeeh⁻ to⁻chah^ʻ la⁻, na^ʻ sa⁻ ga⁻ ma⁻ja⁻ jii⁻ gyuu^ʻ. Eubulo jmee⁻ Dio kyah^ʻ, hi⁻ lä⁺ja⁻ jmee⁺ Pudente, kyaah^ʻ Lino, kyaah^ʻ Claudia, hi⁻ lä⁺jëë⁺ øøh^ʻ jne^ʻ hi⁻ tääh^ʻ jee^ʻ la⁻ ka⁻läh^ʻ.

²² Wa^ʻ hää^ʻ Jesucristo Dsa⁻jøøh^ʻ jnän⁻ tuh⁻hoh^ʻ, wa^ʻ mi⁻jää^ʻ Dio hne⁻. Wa^ʻ la^ʻ lä⁺ja⁻.

Hmooh hmëë he- ga-jmee Jesucristo; Salmos New Testament and Psalms in Chinantec, Ozumacín (MX:chz:Chinantec, Ozumacín)

copyright © 2003 Wycliffe Bible Translators, Inc.

Language: Chinantec, Ozumacín

Translation by: Wycliffe Bible Translators, Inc.

Chinanteco, Ozumacín [chz], Mexico

Copyright Information

© 2003, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament and Psalms

in Chinantec, Ozumacín

© 2003, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 21 Feb 2024 from source files
dated 29 Jan 2022
77bbb809-d78b-5d8c-9c0b-2363ea7f466b